

Nias - Mangisō Mbuku Ni'amoni'ö - Lust Scriptures

Moze II. Fanete zi Fõfõna 15:9 Imane emali: Da'oegohi ira, oechamō dania: oefaosa dania niraboe, oe'aboesoi'ö ndra'o ba chõra. Oedõni zi'õli; ihori ira tangagoe andre.

Moze II. Fanete zi Fõfõna 18:21 Ba toetoejoe ba niha sato zangata'oefi Lowalangi ba si fadoehoe dõdõda ba si lõ mangaloei chõra hadia ia, ba fataro ira sangoeahoekoe si hõnõhõnõ ba si otoe'otoe ba si limalima woeloe ba si foeloefoeloe,

Moze II. Fanete zi Fõfõna 20:14 Bõi ohorõ.

Moze II. Fanete zi Fõfõna 20:17 Bõi isõ nomo nawõoe. Bõi isõ wo'omo nawõoe ba he sangai halõwõ chõnia ira matoea, ba he sangai halõwõ chõnia ira alawe, ba he õrõbaonia, ba he koedonia, ba he hadia ia, fefoe, nibajabaja nawõoe.

Moze IV. Fanete zi Tõloe 11:4 Ba tesao wangisõ ba niha bõ'õ andrõ, si no fao chõra; ba ifoeli labõrõtaigõ gõi Iraono Gizeraëli mangarõngarõ, lamane: Ha niha zame'e chõma diwo?

Moze V. Fanete zi õfa 5:21 No i'orama'õ chõda lachõminia ba fa'asalaŵania Lowalangida, Jehowa, ba no tarongo linia moroi ba galitõ andrõ, ba tobali no fadoehoe dõdõda, tola moehede Lowalangi ba niha lõ mate nihá.

Moze V. Fanete zi õfa 12:20 Ba ebolo dania danõoe, ibe'e Lowalangioe, Jehowa, na itõrõ nifaboe'oenia chõoe, ba na õmane dania: Omasido ndriwo! me no mamiomio dõlõtõlõoe ba da'õ, ba hana na õ'ā ndriwo, ha wa'oja zomasi'õ.

Moze V. Fanete zi õfa 22:22 Na so nira'oe baewawõ, na ihorõni ndronga zodonga, ba faoma mate ira, he ira matoea, si horõni alawe andrõ ba he ira alawe andrõ. Õmanõ wangohori si lõ sõchi ba Ndraono Gizeraëli.

Josoea - Yosua 7:21 No oe'ila ba nihalõda andrõ mbaroe seboea, baroe Zineara, si sõchi, ba firõ, doea ngaotoe ba roefia ba samboea wamachai mbaroe, ana'a, lima woeloe roefia fanimba, ba terooe dõdõgoe, ba oehalõ, ba hiza, no moebini'õ barõ danõ, ba daloe nose chõgroe, fabaja firõ andrõ.

Zinoenõ 10:3 Isoeno ia seboea horõ ba wangisõ dõdõnia andrõ, ba somasi ana'a, ba i'erogõ Jehowa ba i'o'aja.

Zinoenõ 78:18 Latandraigõ Lowalangi tõdõra, wangandrõ gõ somasi ira.

Zinoenõ 78:30 Ba lõ si dõhõ na wangisõra andrõ, so na ba mbawara gõra andrõ,

Zinoenõ 81:13 Ba no oeloeloe ira, ba wa'abe'e dõdõra andrõ, ba latõrõ nichoi dõdõra.

Zinoenõ 106:14 Ba tesao wangisõ, ba danõ si mate andrõ, ba latandraigõ Lowalangi ba danõ si lõ nihaniha.

Zinoenõ 119:36 Omboejoe'õ dõdõgoe ba wamadoehoe'õmõ andrõ, ba bõi ba wangaloei ana'a.

Gamaeddola 1:19 Da'õ lalara, dozi ira, sangisõ ana'a; iboenoe ira fangisõra andrõ.

Gamaeddola 6:25 Bõi i'isõ tõdõoe wa'asõchi mbawania, ba bõi ifesoe ndra'oegõ boe hõrõnia.

Gamaeddola 15:27 Samohoe fa'omasí gana'a, ba adoedoe nomonia ibe'e; ba

sogoro femanga gana'a, ba isõndra wa'aoeri.

Gamaeddola 21:25,26 Ba zareoe, ba tobali famoenoe wangisõnia, me lõ edõna mohalõwõ dangania. 26 Si lõ aetoe wangisõ zareoe; ba satoelõ tõdõ, ba mame'e; lõ fa'atali.

Gamaeddola 28:16 Salaõwa si lõ tõdõ, ba si no abõlõ famalangõgõ niha! Si ogorofi ana'a si lõ atoelõ, ba anaoe gõlõ.

Jesaja - Yesaja 56:11 Ba asoe andrõ, ba sanani, tebai aboeso, — ba ja'ira andrõ, koebalo andrõ, ba tebai labe'e mbõrõ dalingara. Itõrõ lalania zamõsana, dozi lafaigi heza lasõndra harera, no fagõlõgõlõ.

Jesaja - Yesaja 57:17 Bõrõ lalõnia andrõ, fa'omasinia gana'a, wa no mofõnoe ndra'o, ba no oe'otoe'õ ia; no oebini'õ ndra'o ba sofõnoe ndra'o, ba no i'erogõ [ndra'o], itõrõ lala somasi ia.

Jeremia - Yeremia 6:13 I'otarai sa'ae ndraono, noemalõ ba zatoea, ba oi sangaloei hare; ba he sama'ele'õ, ba he ere, ba oi dozi solaoe faja ba falimosa.

Jeremia - Yeremia 22:17 Ba ba hõrõoe ba ba dõdõoe, ba awai ni'ilä, ha sambalõ hareoe ba fanoewagõ do zi lõ horõ, ba famalangõgõ ba famakao, ba wolaoe ja'ia.

Jeremia - Yeremia 51:13 Ja'oegõ andrõ, si so ba mbewe nidanõ seboea, seboea ana'a, — no iroegi wozoe chõoe, inõtõ wamalo'o ja'oegõ sa'ae.

Hezekiëli 6:9 ba itõrõ tõdõ zoloi andrõ chõmi, ba niha baero, ba ni'oloi'õ ja'ira, nibotogoe tõdõ andrõ, si no fa'ero, si no mangerogõ ja'o, awõ hõrõ, si lõ aefa'aefa ba nadoe, timba ba zohorõ, ba ogoro ira irá, bõrõ zi lõ sõchi andrõ, nilaoera sogoro ita andrõ.

Hezekiëli 14:4,5 Ba hede chõra, õmane: Da'õ niwa'õ Zo'aja, Jehowa: Dozi Iraono Gizeraëli, sangaro'õ ba dõdõra adoera ba same'e fõnara tandraõa horõra, ba si mõi chõ zama'ele'õ dania, ba ja'odo, Jehowa, zangoema'õ li chõra, ba wa'afahõna nadoera andrõ, 5 ba wombaja tõdõ ma'oewoe Gizeraëli, me no la'erogõ ndra'o, ba nadoera andrõ fefoe.

Hezekiëli 22:12 Manga gana'a ami, ba wamoenoë niha; no mi'eboea'õ hare zoegilõmi ba no mifo'ono gana'ami, no mibe'e te'ala nawõmi, no mifakao, ba no olifoe ami ndra'odo, iõwa'õ So'aja, Jehowa.

Hezekiëli 33:31 He ono niha, fahoehoeo niwami ba zalogotõ ba ba mbagi nora; faoma lamane chõ nawõra ba da'õ: Mitaboe ba mifondrondrongo hadia daroma li Lowalangi andrõ! 31Ba lahoeroefai ndra'oegõ, ba doemaodao ira fõnaoe, banoeagõe, ba na no larongo niwa'õoe, ba lõ'õ zoei la'o'õ. Fa'omasi lafa'oea bawara, ba tõdõra, ba no solohi hare.

Hosea 4:12 Ba mbalõ geoe faeta mbanoeagoe ba si'ora zangombacha chõra lala. Noa sa bechoe ba wohorõhõrõ zamowõhõ ja'ira, fa lafosoemange nadoe, salah Lowalangi.

Hosea 5:4 Boeaboeara wamatimba, na lafoeli ira chõ Lowalangira ena'õ; no mobechoe ira bechoe wohorõ, ba fa'aboto ba dõdõra Jehowa, ba lõ chõra.

Micha 2:2 Na omasi ira mbenoea, ba la'ochõgõ; ba na omo zomasi ira, ba lafadõni ba nawõra. Lafakao nawõra, ba lahalõ manõ zi so chõra; lafalangõgõ manõ dochõ, fabaja si so chõnia.

Nachoemi - Na'uma 3:4 Ba wa'asese horõ ndra alawe sohorõ andrõ, ira alawe

omasiō andrō, si no to'ōlō ba wakelemoesa, si no mamowōhō soi niha ba wohorōnia andrō, ba samaeloengoe niha — ha soi ira — ba wakelemoesania.

Habakoeki 2:9 Alai zangaloei ana'a si lō atoelō, ni'ochōgō, ba wame'e, ba zalawa jaŵa azoeninia, ba wangefa'ō ja'ia ba wa'abōlō wamakiko!

Matai'o 5:28 Ba ja'o, ba oeŵa'ō, chōmi: Dozi, ha niha zamaigi ira alawe, wangisō ja'ia, ba no ihorōni tōdōnia.

Mareko 4:19 ba fatewoe wa'aboe dōdō andrō ba goeli danō ba famaeloengoe andrō, ba gana'a, ba hadia ia gisō'isō bō'ō, ba iboenoe daroma li andrō, ba tobali lō boea.

Mareko 7:22 ba fohorōni donga zodonga ba fa'omasi gana'a ba fa'afaito ba falimosa ba femaboemaboe ba fa'afōchō dōdō ba fanandraŵaisi niha bō'ō ba fajawasaba fa lō tōdō.

Loeka - Luka 3:14 Ba lasofoe gōi chōnia saradadoe andrō, lamane: He mawisa gōi, ja'aga andre? Ba imane chōra: Bōi mifakao niha, ba bōi mitandrawaisi, ba bōi mikōkōkōkō ba wa'ide'ide loeomi.

Loeka - Luka 12:15 Ba imane chōra: Mifaigi, mi'angelamaisi wa'omasi gana'a fefoe, alacha lō fahōna, fa iroegi aoerifa si so andrō.

Loeka - Luka 16:14 Ba larongo gōi da'ō fefoe farizaio andrō somasi ana'a, ba la'o'aja ia.

Johane 8:44 Moroi ba Gafōcha ami, ba no edōna ami mi'o'ō wa'omasi namami andrō. No samoenoe niha da'ō, i'otarai mbōrōta, ba lō ni'agōnia si doehoe, lō'ō sa si doehoe ba dōdōnia. Na iŵa'ō waja, ba moroi ba zi so chōnia moehede ia, sofaja sa ia ba ama zofaja.

Halōŵō 20:33 Samōsa lō ni'aloegoe firō, ba ma ana'a, ba ma noecha.

Roma 1:24-29 Andrō no ibōhōli ira Lowalangi, fa la'o'ō wangisō dōdōra andrō, si ta'oенō andrō, ena'ō te'o'aja nōsira andrō. 25 ja'ira andrō, si no mamalalini si doehoe andrō chō Lowalangi, ba waja, si no mamosoemange nifazōchi andrō, si no mangarōfi li ja'ia, moroi ba wamosoemangera samazōchi, moroi ba we'angarōfi li da'ō, nisoeno iroegi zi lō aetoe. Jadoehoe. 26 Andrō no ibōhōli ira Lowalangi, fa la'o'ō wangisō si lō sōchi: he ira alawe chōra, no labōhōli lala, ba no lasalahini si tenga lala. 27 Ba si manō gōi ndra matoea, no labōhōli lala wa'oroedoe ba ndra alawe, ba no tesao wa faoma la'isō nawōra, tobali no Iahorōni ndra matoea ira matoea, ba no latema zi nangea loeora ba wa'eloengoera andrō, ba nōsira. 28 Ba me no lō ba dōdōra wa'aboto ba dōdōra Lowalangi, ba no iloeloe ira Lowalangi, ena'ō la'o'ō gera'era si lō gōna ba wolaoe si lō tola; 29 no a'oi so zi lō atoelō fefoe, awō walōsōchi, awō wa'afaito, awō wa'omasi gana'a, no fahōna wa'afōchō dōdō, awō wange'e, awō wagoeagoeasa, awō wa'oneche, awō walimosa,

Roma 6:12 Ba bōi abōlō horō ba mbotomi andrō, si mate, ba wolo'ō fangisōnia.

Roma 7:7 Ba hadia niŵa'ōda? Hadia, horō goroisa andrō? Tenga si manō. Ba lō'ō sa aboto ba dōdōge horō andrō mena'ō, na tengā moroi ba goroisa. Lō'ō sa gōi oe'ilā mena'ō, hadia wangisō andrō, na lō moeŵa'ō ba goroisa andrō: Bōi mangisō.

Roma 13:9 Oroisa andrō sa: "Bōi ohorō!" "bōi ange'e!" "bōi anagō!" "bōi angisō!" ba hadia ia goroisa bō'ō, ba no tefarahoegeō ba niŵa'ō andrō: "Omasi'ō zahatō

chōoe, si mane fa'omasioe ndra'oegō".

Roma 13:14 mihalō baloebaloemi Zo'aja ja'ita, Jesoe Keriso, ba fangehaomi ōsimi andrō, ba bōi ba wolo'ō fangisōnia.

Gorindro I. - 1 Korindro 5:10,11 Tenga sohorō manō, ba niha goeli danō, niŵa'ōgoe, ba somasi ana'a ba soraboe ba samosoemange adoe, na si manō ena'ō, ba lō tola lō miheta manō sa'ae ami ba goeli danō andre ena'ō. 11 Ba no oesoera chōmi, bōi fabaja ami, na so zangoema'ō, talifoesō ia, ba na sohorō ia, ba ma somasi ana'a, ba ma samosoemange adoe, ba ma sanandrawaisi awōnia, ba ma si maboemaboe, ba ma soraboe; na so zi manō, ba bōi na i oroedoe manga ami chōnia.

Gorindro I. - 1 Korindro 6:9,10 Ma lō mi'ilā, wa tebai tefā'amōi ba mbanoea Lowalangi zi lō atoelō? Bōi eloengoe ami, he sohorō, ba he samosoemange adoe, ba he sohorōni donga zodonga, ba he somboejoetō, ba he sohorōni ira matoea, 10 ba he sanagō, ba he somasi ana'a, ba he si maboemaboe, ba he sanandrawaisi awōnia, ba he soraboe, ba tebai tefā'amōi ba mbanoea Lowalangi andrō.

Gorindro I. - 1 Korindro 10:6 Ba doemadoema chōda da'ō, wa si manō, fa bōi ta'isō zi lō sōchi, si mane fangisōra andrō.

Gorindro I. - 1 Korindro 12:31 Miforege wangaloei boeala si sōchi andrō. Ba oe'oroma'ō na chōmi lala si sōchi moroi ba da'ō.

Gorindro I. - 1 Korindro 14:39 Andrō, ja'ami ira talifoesōgoe, mi'aloēi wama'ele'ō, ba bōi mitenawā wolaoe ngawalō li andrō; ba fefoe hadia ia,

Gorindro II. - 2 Korindro 9:5 Andrō wa no oeŵa'ō tōdōgoe, mogoena oe'andrō ba dalifoesō andrō, ena'ō mowaōwaō ira ba chōmi, ba wangasiwai howoehowoe andrō chōmi, si no awai tefaboe'oe, ena'ō awai, ba ena'ō howoehowoe, ba bōi si hoelō wa'atali.

Galatia 5:16-20 Ba da'ō niŵa'ōgoe: mitōrō lala Geheha, ba lō mifaloea wangisō nōsi andrō. 17 Mangisō sa nōsi si no fa'oedoe ba Geheha, ba omasi Geheha zi fa'oedoe ba nōsi; faoma sa fa'oedoe ira chō nawōra, ena'ō lō milaoe zomasi ami ena'ō. 18 Ba na nifarooe Geheha ami, ba tengā, barō mbawa goroisa so ami. 19 Ba no oroma mboeaboea nōsi andrō, ja'ia wohorō, ba fa'ara'ira'iō, ba fa'atebacha, 20 ba fame'e adoe, ba fakelemoesa, ba fatioesa, ba fasosota, ba fatōtōisa, ba fōnoe, ba fanandrawā, ba fa'oedoesa, ba fa'erosa,

Galatia 5:24 Ba tāna chō Keriso Jesoe andrō, ba no laforōfa nōsira, awō wangisō andrō, ba awō wa'omasi si lō sōchi.

Efeso 2:1-3 Chōmi gōi, si no mate fōna, ba golalōwāmi andrō, ba ba horōmi andrō, 2 nitōrōmi fōna, dali hoekoe ba goeli danō andre, dali zalawā andrō, sochō fa'abōlō andrō, ba daloe mbanoea, bechoe andrō, sabōlō iada'e na, ba ndraono wa lō molo'ō andrō, 3 nitōrōda gōi fōna, dozi ita, ba wangisō nōsida andrō, me talaoe zomasi nōsi, awō gaso'ala dōdōda andrō, ba me to'oea iraono si gōna fōnoe ita, si mane tānō bō'ō gōi.

Efeso 4:19 me no mate bacha dōdōra, ba wamaloea si lō sōchi andrō, fefoe, ba wa tebai aboeso.

Efeso 4:22-27 wa niheta niha si tohōna andrō chōmi, ba lala fōna andrō, samakiko ja'ia, ba wangisō andrō, ba wa'eloengoe. 23 Ba nibohooeni ami, ba gera'era

dōdōmi andrō. 24 ba mi'onoecha niha si bohooe andrō, nibe'e famaedo Lowalangi, wamazōchi ja'ia, ba wa'atoelō dōdō ba ba wa'ohaoehaoe, ba zi doehoe. 25 Andrō mibōhōli waja, faoma si doehoe milaoe chō nawōmi, me no faoma ndrotondroto ita. 26 Na mofōnoe, ba bōi mifazōchi horō; bōi mi'echoegō loeo ba wōnoemi. 27 Ba bōi mifonaha Gafōcha.

Efeso 5:3,5 Ba fohorō, ba hadia ia ngawalō wa'ara'ira'iō fefoe, ba fa'omasi gana'a, ba bōi na i terongo ba chōmi, si manō zoadoe ba ni'amoni'ō. 5 Da'ō sa ja'aboto ba dōdōmi: lō mo'oeracha ba mbanoea Keriso, ba mbanoea Lowalangi andrō, zohorō, ba si ra'ira'iō, ba somasi ana'a, ha niha ia, si no same'e adoe.

Golose - Kolose 3:5 Ba miboenoe sa'ae ndrotondroto andrō, si so ba goeli danō: fohorō, ba fa'ara'ira'iō, ba hocha, ba fangisō si lō sōchi, ba fa'omasi gana'a; no famosoemange adoe da'ō;

Desalonika I. - 1 Tesalonika 2:5 Lō'ō sa marai masoeno niha, wondrōnisi ja'ira, mi'ilā, ba lō nibini'ōma tōdōma, wangaloei harema; Lowalangi zangila.

Desalonika I. - 1 Tesalonika 4:3-7 Da'ō sa wa'omasi Lowalangi fangohaoehaoe'ō ja'ami, ena'ō lō mibabaja wohorō, 4 ena'ō i'ila i'aloēi ndrongania zamōsana, ena'ō ohaoehaoe, ba ena'ō lō hadia ia zaila ita. 5 Bōi omasi ami mohorōhorō, si mane niha baero andrō, si lō mangila Lowalangi. 6 Ba fa bōi ilimo dalifoesōnia zamōsana, ba waniaga, ba bōi i'alani; oi sa nihoekoe Zo'aja dania da'ō, si mane ni'ombacha'ōma chōmi sa'ae gōi, si mane nifadoehoe'ōma chōmi. 7 Tenga sa ba walōsōchi, me ikaoni ita Lowalangi, ba wangohaoehaoe'ō ja'ita ikaoni ita.

Dimoteo I. - 1 Timoteo 3:3,8 Bōi samadoemadoe toeo, ba bōi si fabagobago, ha sebolo tōdō, si lō fagoeagoea, si lō omasi ana'a; 8 Ba si manō gōi genoni andrō: si sōchi amoeata, bōi doea lela, bōi samadoemadoe toeo, bōi sangaloei ana'a si lō atoelō,

Dimoteo I. - 1 Timoteo 6:9,10 Ba sedōna mangeboea ana'a, ba gōna fanandraigō, ba tandraŵa, ba oja wangisō fajafaja ba fangisō fama'ala, sangahanigō niha ba wa'atekiko, ba ba wa'amate. 10 Noa sa baja ngawalō hadia ia zi lō sōchi fefoe wa'omasi gana'a andrō, ba no eloengoe ōsa, no larōi wamat, wangaloei da'ō, ba no oja nifobōrōra chōra fa'afōchō.

Dimoteo II. - 2 Timoteo 2:22 Erogō wangisō nono matoea andrō, ba gohi wa'atoelō dōdō ba famati ba fa'omasi ba fefao dōdō ba zangarōfi li So'aja andrō, soroi ba dōdō si no ohaoehaoe.

Dimoteo II. - 2 Timoteo 3:2,6 Amoeata niha ba da'ō, ba ha tána chōra la'aloēi, somasi ana'a ira, ba sanoeno ja'ira, ba si fajawā, ba sanandrawā, ba si lō mamondrongo li ndra amara, ba si tebai mangandrō saoha gōlō, ba sango'aja Lowalangi, 6 Oi ja'ira sa zanōrōi omo, ba wondrōnisi ira alawe, si no fahōna horō, solo'ō manō fangisō dōdōra, ha wa'ojā ngawalō,

Dimoteo II. - 2 Timoteo 4:3 Iroegi sa dania bawā, si tebai lataha wamahaō si ndroehoe andrō, ba lahōna dania chōra zamahaō somasi ira, si maoso mbōrō dalingara,

Dito - Tito 2:12 ifahaō ita, ena'ō tabōhōli wa lō ba dōdōda Lowalangi, awō wangisō andrō, ba goeli danō, ba ena'ō satoeatoea ita, ba satoelō tōdō, ba solo'ō li Lowalangi, ba gōtō da'e ba goeli danō,

Dito - Tito 3:3 Ja'ita gōi fōna, ba noa sa si lō tōdō, ba si lō molo'ō li, ba si no

eloengoe, ba sawoejoe wangisō andrō, ba sawoejoe zomasi dōdō andrō, si no oja ngawalō; no tatōrō lala si lō sōchi, awō lala wa'afōchō dōdō; no ni'ogorofi ita, ba no faoma fatioe dōdōda chō nawōda.

Heberaio 13:5 Bōi fatewoe ba gera'erami wa'omasi gana'a, ja'abōnō chōmi zi ho so. Noa sa ja'ia zangoema'ō: "Lō'ō manō farōido chōoe, balō'ō manō oe'ositengagō ndra'oegō."

Jakobo - Yakobo 1:14,15 Ba dozi nitandraigō, ba ba wangisō dōdōra tezōbizōbi ira ba tedōnisi. 15 Awena dania, na no abeto wangisō andrō, ba i'adonogō horō, ba horō andrō, na no moefaloea, ba i'adonogō wa'amate.

Jakobo - Yakobo 4:1-5 He moroi wa lō atoelō ba chōmi, ba he moroi wagoeagoeasa andrō? Tenga moroi ba wasōndrata wangisōmi andrō, ba nōsimi? 2 Mangisō ami, ba lō manema ami; mange'e ami ba afōcho dōdōmi, ba tebai michamō; fasōndra ami ba manoewō ba lō chomi, me lō mangandrō ami. 3 Mangandrō ami, ba lō mitema, me si lō sōchi wangandrōmi andrō; ena'ō m'a ia, ba wangisōmi andrō. 4 Ja'ami sohorō, ira matoea ba ira alawe, hadia lō mi'ilā wa no si fa'oedoe ba Lowalangi wahoewoesa ba niha goeli danō? Tobali na so zomasi fahoewōe ba niha goeli danō, ba ibali'ō si fa'oedoe chō Lowalangi ia. 5 Ma miwai fajafaja niŵa'ō ba zoera andrō? Solohoe Geheha andrō, nifonahania ba dōdōda;

Wetero I. - 1 Fetero 1:14 Si mane ono solo'ōlo'ō li, bōi si mane amoeata fōna, ba gisō'isōmi andrō fōna, me lō mi'ilā watahōgō.

Wetero I. - 1 Fetero 2:11 He ja'ami ni'omasi'ō! oefarooe dōdōmi, me no si fatewoe ami, me no sikoli: bōi mifa'amōi ba dōdōmi wangisō nōsi niha andrō, si fa'emali ba dōdō.

Wetero I. - 1 Fetero 4:2-4 ena'ō bōi sa'ae mi'o'ō wangisō niha andrō, ba zi tosai nosomi ba goeli danō, ena'ō somasi Lowalangi mi'o'ō. 3 Noa sa abōnō, me no milaoe zomasi niha baero, ba gōtō si no noemalō, me mitōrō hocha, ba fangisō si lō sōchi, ba femaboemaboe, ba femangamanga, ba famadoemadoe toeo, ba fame'eme'e adoe andrō, si lō tola. 4 Andrō fa'ero ira, me lō fao ami, wanōrō etoena wa'asilōjawā si manō, ba manandraŵa ira.

Wetero II. - 2 Fetero 1:4 ba ni'amoealagō chōda fondrege zeboea gamaboe'oela li andrō, seboea bōli, ena'ō mōi chōmi gōi gamoeata Lowalangi andrō, ba da'ō, na no mi'efa'ō ami ba wa'atekiko andrō, ba wangisō andrō, ba goeli danō.

Wetero II. - 2 Fetero 2:3 Ba ba wa'omasira gana'a, ba lafachai waja, ba lalimo ami, ba i'otarai fōna sa'ae, ba lō ahooe hoekoe si gōna ira, ba fa'atekikora, ba tengā si mōrō.

Wetero II. - 2 Fetero 2:9-19 I'ilā So'aja i'efa'ō zangata'oefi Lowalangi, ba wanandraigō, ba i'ilā itaha zi lō atoelō andrō, irege loeo wangoehoekoe ba wangotoe'ō ja'ira; 10 ba ofōna zanōrō lala nōsi niha andrō, wangisō si ra'ira'iō andrō, ba sangositengagō salawā; safaito andrō, si fajawā, — lō afa'oe ira latandraŵaisi zolachōmi. 11 Ba mala'ika andrō, sabe'e ba sabōlō moroi chōra, ba lō latandraŵaisi ira chō Zo'aja. 12 Ba ja'ira andrō, ba no timba zaliŵaliŵa ba danō si lō tōdō, si no to'oea sondra'oe ba samakiko, latandraŵaisi zi lō la'ilā na i, ba ba wa'atekikora andrō tekiko ira dania, 13 faloecha ira loeo wa lō atoelō andrō, me no fa'omasira laŵa'ō tōdōra wemangamanga andrō, ba zi ma'ōchō, si

ra'ira'iō ira ba saila ita, mangamanga ira, ba walimosara andrō, ba lahaogōhaogō gōra, awōmi. 14 Ba hōrōra, ba no ha sambalō ira alawe sohorō, ba lō labatobato wanao horō, ladōnisi dōdō si lō aro na; tōdōra, ba no moefamaha ba wa'omasi gana'a, ono ni'elifi ira. 15 No larōi lala satoelō, ba no eloengoe ira, no latōrō lala Mbileamo, ono Mbozoro andrō, si no omasi loeo wa lō atoelō andrō, 16 ba si faloecha gōi fotoe golalōwania andrō: kalide andrō, nifonoro, si lō li, ba ilaoe li niha, itenaŵa wa lō tōdō zama'ele'ō andrō. 17 Ja'ira andrō, ba oemboe si lō idanō ira, lawoeo ni'olo'iō nangi sabōlō, ba ni'iro'ō si bongi andrō sogōmigōmi andrō. 18 Lalaoe waja, hocha, ba ladōnisi niha, ba wa'asilōjaŵa, isō'isō nōsi niha andrō, niha si no aefa ma'ifoe ba zanōrō lala eloengoea andrō. 19 Lafaboe'oe chōra wa'aefa, ba ja'ira, ba no sawoejoe wa'atekiko; ba zabōlō moroi chōnia sa mōi sawoejoe niha.

Wetero II. - 2 Fetero 3:3 Da'ō zi a'a zaboto ba dōdōmi ena'ō wa so dania zango'aja, na loeo safoeria andrō, sanōrō lala wangisō andrō chōra.

1 Johane I. 2:15-17 Bōi mi'omasi'ō nōsi goeli danō, ba ma hadia ia, zi so ba goeli danō. Na so zangomasi'ō ōsi goeli danō, ba lō fangomasi'ō Ama ba dōdōnia. 16 Me tengā moroi chō Nama, me moroi ba nōsi goeli danō fefoe, hadia ia, zi so ba goeli danō, he fa'omasi nōsi niha, ba he fa'omasi hōrō, ba he fajawasa andrō, ba gana'a. 17 Ba si taja nōsi goeli danō, awō wa'omasinia andrō, ba solo'ō somasi Lowalangi, ba lō teboelō, iroegi zi lō aetoe.

Joeda - Yuda 1:11 Alai ira, me no latōrō lala Ga'ino andrō, ba me no adōni dōdōra ba wamaeloengoe loeo Mbile'amo andrō, ba me no tekiko ira, ba wolawā Gora andrō.

Joeda - Yuda 1:15-19 ba wangoehoekoe fefoe, ha niha ira, ba ba wangotoe'ō fefoe zi no mangerogō Lowalangi, ba chōra andrō, ba mboeaboeara andrō fefoe, falōsōchi andrō, nifa'oeara, ba ba wehede safaito, fefoe, nilaoe zanao horō andrō, si no mangerogō Lowalangi, chōnia." 16 Sikōkōkōkō andrō, sanahigō Lowalangi, ba nifatōrōnia chōra, sanōrō lala wangisōra, ba fajawasa loealoea mbewera, lasoeno niha ba zi so ira, na so harera ba da'ō. 17 Ba ja'ami ni'omasi'ō, ba mitōrōtōrō tōdōmi daroma li andrō, si no lahōnagō fangoema'ō sinenge Zo'aja ja'ita, Jesoe Keriso, 18 me lamane chōmi: "Ba gōtō safoeria dania, ba so zango'aja, sanōrō lala wangisōra andrō, ba wa'eloengoera." 19 Si oniagō ja'ira andrō, sanōrō lala niha; si lō eheha.

Wama'ele'ō - Fama'ele'ō chō Johane 18:14 Ba boea geoe andrō, somasi dōdōoe, ba no aheta chōoe, ba hadia ia lachōmi fefoe, ba hadia ia zoadee ba sohaga, ba no taja chōoe, ba lō'ō manō sa'ae oroma ia.